

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01-____/17

Datum: ____ .2017. godine

PRIJEDLOG

Na osnovu člana 14. stav (1) tačka 28. Statuta Općine Tešanj („Službeni glasnik Općine Tešanj“ broj 11/07) Općinsko vijeće Općine Tešanj, na sjednici održanoj _____ donosi

**ODLUKU
o izmjeni i dopuni Poslovnika o radu Općinskog vijeća Tešanj**

Član 1.

Ovom Odlukom vrši se izmjena i dopuna Poslovnika o radu Općinskog vijeća Tešanj (Službeni glasnik Općine Tešanj“ broj 7/08, 1/12, 7/12 i 10/14) u članu 8. stav (4) iza riječi "tekst izjave" dodaje se tekst: "i izjavu o poštivanju Kodeksa izabranih zvaničnika - vijećnika u Općinskom vijeću Tešanj", a riječ "ga" zamjenjuje se sa "ih".

Član 2.

U članu 9. iza riječi "daju svečanu izjavu" dodaje se tekst koji glasi: "i potpisuju izjavu o poštivanju Kodeksa izabranih zvaničnika - vijećnika u Općinskom vijeću Tešanj".

Član 3.

U članu 15. iza stava (1) dodaju se stav (2) i (3) koji glase:

"Vijećnici se educiraju i u toku cijelog mandata po posebnim godišnjim planovima koje donosi Vijeće za svaku godinu.

Prisustvo edukacijama obavezno je za sve vijećnike".

Član 4.

U članu 17. stav (2) mijenja se i glasi:

“Poslove Sekretara Vijeća obavlja uposlenik određen u skladu sa Pravilnikom o sistematizaciji radnih mjesta u Općini Tešanj.”.

Član 5.

U članu 21. stav (1) na kraju teksta iza riječi "obrazuju se stalna i povremena radna tijela" dodaje se zarez i tekst koji glasi: "koja broje tri ili pet lica."

U stavu (2) tekst "izvještaje Vijeću" mijenja se i glasi: "i dostavljaju polugodišnje i godišnje izvještaje Vijeću i javnosti".

Član 6.

Član 22. mijenja se i glasi:

“Izbor članova stalnih radnih tijela vrši se u skladu sa posebnom odlukom o kriterijima za izbor i imenovanje koju donosi Vijeće, u principu na prijedlog Komisije za izbor i imenovanje.

Opći uslovi za izbor članova radnih tijela u Odluci o kriterijima sadržavat će odredbe po kojima će se angažovanje lica u radnim tijelima dodijeliti stručnim i uglednim građanima, s tim da pri izboru članova kod jednako rangiranih kandidata, prednost imaju pripadnici manje zastupljenog pola,

pripadnici nevladinog sektora i marginaliziranih grupa (nacionalne manjine, lica sa invaliditetom, povratnici).

Izbor članova stalnih radnih tijela na prijedlog Komisije za izbor i imenovanje odlukom utvrđuje Općinsko vijeće."

Član 7.

Član 23. Poslovnika postaje član 25.

Dodaje se novi član 23. koji glasi:

"Radno tijelo Vijeća ima predsjednika, zamjenika predsjednika i određen broj članova. Predsjednika radnog tijela i njegovog zamjenika bira svako radno tijelo na svojoj prvoj (osnivačkoj) sjednici koju saziva predsjedavajući Vijeća ili drugim sjednicama po potrebi.

O izvršenom izboru predsjednika i zamjenika predsjednika komisija donosi zaključak.

Ako radno tijelo ne može održati dvije uzastopne sjednice zbog neopravdanog odsustva nekih od članova komisije, predlaže Vijeću da izvrši zamjenu tih lica."

Član 8.

Član 24. Poslovnika postaje član 27.

Član 9.

Dodaje se novi član 24. glasi:

"Kriteriji za izbor i imenovanje članova radnih tijela ne odnose se na izbor članova Komisije za izbor i imenovanje.

Komisija za izbor i imenovanja bira se iz reda vijećnika, na prijedlog Predsjedavajućeg vijeća."

Član 10.

Član 25. Poslovnika postaje član 28.

Član 11.

U članu 25. alineja koja glasi "predlaže dnevni red" se briše.

Stavu (2) mijenja se i glasi: "Predsjednika radnog tijela u slučaju njegove odsutnosti zamjenjuje zamjenik predsjednika, a u komisijama koje broje pet članova zamjenjuje ga član radnog tijela kojeg odredi radno tijelo.

Član 12.

Član 26. Poslovnika postaje član 29.

Član 13.

Dodaje se novi član 26. koji glasi:

"Predsjednika radnog tijela u slučaju njegove odsutnosti zamjenjuje zamjenik predsjednika, a u komisijama koje broje pet članova zamjenjuje ga član radnog tijela kojeg odredi radno tijelo."

Član 14.

Član 27. postaje član 30.

Novi član 27. stav (1) mijenja se i glasi: "Radno tijelo radi u sjednicama u skladu sa Poslovníkom Općinskog vijeća, a može donijeti i vlastiti Poslovnik o radu."

Član 15.

Član 32. postaje član 34.

Član 35. postaje član 36.

Član 16.

Član 29. mijenja se i glasi:

"Vijeće osniva komisije kao stalna radna tijela:

1. Statutarno – pravna komisija,
2. Komisija za praćenje primjene kodeksa ponašanja vijećnika i javnosti rada Vijeća,

3. Komisija za izbor i imenovanja,
4. Komisija za pitanja mladih i ravnopravnost polova,
5. Komisija za zaštitu čovjekove okoline,
6. Komisija za monitoring nad realizacijom Strategije razvoja Općine Tešanj
7. Komisija za budžet.“

Član 17.

Član 30. mijenja se i glasi:

“Statutarno – pravna komisija:

- u svom sastavu ima pet članova,
- prati ostvarivanje Statuta Općine, Poslovnika o radu Vijeća i drugih zakonima regulisanih pitanja,
- priprema tekst prijedloga Statuta odnosno Statutarne odluke i Poslovnika Vijeća,
- stara se o provođenju javne raspave o statutarnim pitanjima i izvještava Vijeće o njenim rezultatima,
- daje mišljenja Vijeću o inicijativama za promjenu Statuta ili drugog općeg akta,
- razmatra prijedloge i nacрте odluka, drugih propisa i općih akata koje donosi Vijeće, u pogledu njihove usklađenosti sa Ustavom i pravnim sistemom,
- učestvuje u pripremanju programa zakonodavne djelatnosti Vijeća,
- utvrđuje prečišćene tekstove akata i drugih propisa Vijeća, ako je za to ovlašćena,
- razmatra pitanja u vezi s primjenom imuniteta vijećnika u Vijeću, obavještava Vijeće o slučajevima koji povlače prestanak mandata vijećnika, vrši poslove verifikacije novih mandata vijećnika u Vijeću,
- vrši i druge poslove koje joj povjeri Vijeće.”

Član 18.

Član 31. mijenja se i glasi:

“Komisija za praćenje primjene kodeksa ponašanja vijećnika i javnost rada Vijeća:

- u svom sastavu ima pet lica,
- prati ponašanje vijećnika na sjednicama Općinskog vijeća i javnim istupima,
- prati evidenciju prisustva vijećnika sjednicama Vijeća, edukacijama i općinskim manifestacijama,
- zaprima zvanične primjedbe, pritužbe i prijave građana i vijećnika o eventualnom kršenju Kodeksa od strane nekih od vijećnika,
- razmatra slučajeve nepoštivanja Kodeksa od strane vijećnika koje uoči,
- u svim slučajevima narušavanja Kodeksa vodi postupak utvrđivanja odgovornosti vijećnika, a o svom radu pisano izvještava Vijeće pri čemu Vijeću predlaže i kaznene mjere koje su Kodeksom predviđene,
- razmatra predstavke i prijedloge građana i pravnih lica upućene Vijeću i o svojim stavovima obavještava podnosioca,
- neposredno radi na predstavkama i prijedlozima koje se odnose na prava i dužnosti za koje je Ustavom, Zakonom i Statutom utvrđeno da se o njima brine Općina putem organa uprave i predlaže nadležnim organima mjere razrješavanja pitanja i problema iznesenim u predstavkama i prijedlozima,
- razmatra predstavke i prijedloge kojima se pokreću pitanja uređenja općinskih propisa, kojima se ukazuje na pojave koje nastaju u primjeni Zakona i drugih propisa ili nepravilno izvršavanje tih aktata i o tome obavještava Vijeće, predlažući mu preduzimanje određenih mjera,
- razmatra predstavke prijedloge kojima se pokreće pitanje odgovornosti funkcionera koje bira i imenuje Vijeće i dostavlja ih nadležnim tijelima u Vijeću zajedno sa svojim mišljenjem o tome,
- dostavlja Vijeću predstavke i prijedloge kojima se pokreće inicijativa za donošenje, izmjenu ili dopunu općinskih propisa,
- ovlašćena je da provodi proceduru dodjele odlikovanja i javnih priznanja u skladu sa Odlukom o priznanjima Općine Tešanj,

- razmatra i utvrđuje prijedloge za odlikovanja i daje svoja mišljenja,
- vrši i druge poslove koje joj povjeri Vijeće.“

Član 19.

Član 33. mijenja se i glasi:

Komisija za pitanja mladih i ravnopravnost polova

- u svom sastavu ima pet lica,
- prati stanje i pojave u životu i radu mladih i predlaže Vijeću programe i mjere za rješavanje uočenih problema, posebno u suzbijanju narkomanije, alkoholizma i drugih toksikomanija,
- predlaže programe i projekte kreativnog angažovanja mladih u oblasti kulture, edukacije, sportskih aktivnosti,
- ostvaruje saradnju sa udruženjima, organizacijama i institucijama koje se bave pitanjima mladih,
- prati zastupljenost žena u strukturi organa vlasti i upravljačkim institucijama gdje je Općina osnivač, te predlaže preduzimanje određenih aktivnosti,
- prati stanje ostvarenja prava žena – majki u smislu zdravstvene i socijalne zaštite i predlaže nadležnim organima određena rješenja,
- predlaže mjere i aktivnosti u cilju ostvarivanja i unapređenja ravnopravnosti polova,
- ostvaruje saradnju sa nevladinim organizacijama i institucijama koje se bave zaštitom ravnopravnosti polova,
- vrši i druge poslove koje joj povjeri Vijeće.“

Član 20.

U članu 34. na početku teksta briše se “b)” i dodaje se alineja koja glasi: "u svom sastavu ima pet lica,".

Član 21.

Član 35. mijenja se i glasi:

“Komisija za monitoring nad realizacijom Strategije razvoja Općine Tešanj:

- u svom sastavu ima tri lica,
- pri izradi Budžeta i drugih godišnjih planova kapitalnih investicija Općine, prati planiranje zadataka iz Strategije,
- prati realizaciju planiranih projekata i u tom cilju ostvaruje saradnju i obezbjeđuje potrebne informacije od nadležnih organa i institucija,
- informiše i izvještava Vijeće o realizaciji Strateških projekata sagledavajući ograničenja realizacije projekata, te mjere koje bi trebalo poduzimati i predlaže nove rokove.”

Član 22.

U članu 36. na početku teksta briše se “i)” i dodaje se prva alineja koja glasi: "u svom sastavu ima tri lica,"

Član 23.

U članu 38. stav (1) tekst “koji imaju vijećnike u Vijeću” zamjenjuje se sa “koji imaju najmanje dva vijećnika u Vijeću”.

Stav (2) i (3) se brišu, a dosadašni stav (4) postaje stav (2).

Iza stava (2) dodaje se novi stav (3) koji glasi: “Klubovi vijećnika delegiraju svog predstavnika u Kolegij Vijeća.”

Član 24.

U članu 39. dodaje se stav (5) koji glasi: "Cjelokupan pisani materijal, po utvrđenom dnevnom redu Kolegija, objavljuje se na web stranici Općine, ali ne kasnije od sedam dana prije početka sjednice."

Član 25.

Član 48. mijenja se i glasi:

“Vijećnik na sjednici o istom pitanju može govoriti samo jedanput do pet minuta. Izuzetno, u cilju potpune informisanosti vijećnika o određenoj tematici, duže od pet minuta mogu govoriti izvjestioci o materijalu koji se razmatra (npr. prilikom prezentacije prostornih planova, projekcije budžeta, podnošenja izvještaja javnih ustanova i preduzeća, prezentacije programa i projekata, strategije razvoja, kapitalnih investicija i sl.), o čemu brigu vodi predsjedavajući Vijeća.

Učesnici u raspravi imaju pravo na repliku u trajanju do tri minute, a za ispravku krivog navoda do jedne minute.

Vijećnici koji se jave za repliku ili ispravak krivog navoda imaju prioritet u dobijanju riječi u odnosu na vijećnike koji se javljaju za diskusiju.

Pravo na repliku imaju učesnici u raspravi u slučaju da su prozvani imenom, ili ako je prozvana njihova politička stranka.

Ispravak krivog navoda vijećnik počinje citiranjem nečijih riječi za koje smatra da su netačno izrečene, a potom navodi svoj ispravak istog navoda bez dodatnog pojašnjenja.

Primjedbe i kritike upućene izvršnoj vlasti ne podrazumijevaju pravo na repliku.“

Član 26.

U članu 53. stav (2) briše se tekst "pročita stenogram," a na kraju stava umjesto tačke upisuje se zarez i dodaje tekst "o čemu glasanjem odlučuje Vijeće."

Član 27.

Član 54. mijenja se i glasi:

“Vijeće usvaja dnevni red sjednice Vijeća.

Predlagач materijala može do otvaranja pretresa da povuče prijedlog materijala.”

Član 28.

Član 55. mijenja se i glasi:

“Nakon završetka zadnje tačke usvojenog dnevnog reda vijećnici mogu postaviti vijećnička pitanja i tražiti odgovore na njih, kao i predlagati vijećničke inicijative.”

Član 29.

U članu 56. mijenjaju se i dopunjuju:

Stav (1) iza riječi "Općinskom načelniku" briše se zarez i dodaje veznik "i", a tekst "samoupravnog djelokruga rada i odlučivanja na nivou" zamjenjuju se sa "iz nadležnosti", a iza riječi "Općine" dodaje se zarez i tekst koji glasi: "a izuzetno i izvan direktne nadležnosti Općine, ukoliko je to u interesu građana ili Općine.”

Stav (3) tekst "u pravilu," se briše, a tekst "3 dana" zamjenjuje se sa "sedam dana", tekst "izuzetno" zamjenjuje se sa tekstom: "a samo u hitnim slučajevima".

Stav (5), iza riječi: "raspravlja se na", dodati tekst: "istoj", a na kraju istog stava umjesto tačke upisati zarez i dodati tekst: "ako takav zaključak na prijedlog vijećnika predlagачa glasanjem donese Vijeće".

Stav (6) mijenja se i glasi: "Vijećnička inicijativa se odnosi na aktivnosti iz nadležnosti Općine, a izuzetno i izvan direktne nadležnosti Općine, ukoliko je to u interesu građana ili Općine.”

Član 30.

U članu 57. dodaje se stav (4) koji glasi:

"Na odgovor po vijećničkom pitanju ne otvara se rasprava."

Član 31.

Član 58. mijenja se i glasi:

"Vijećnik koji nije zadovoljan odgovorom ili nije dobio odgovor na vijećničko pitanje, može postaviti novo/dopunsko pitanje ili može predložiti da se o istom pitanju provede pretres/rasprava na jednoj od narednih sjednica Vijeća.

Vijećnik koji je predložio da se provede pretres dužan je da obrazloži prijedlog.

O prijedlogu da se provede pretres odlučuje Vijeće.

Ako Vijeće prihvati prijedlog, pretres vijećničkog pitanja se planira kao posebna tačka dnevnog reda jedne od narednih sjednica Vijeća, za koju materijal priprema vijećnik/klub predlagач.“

Član 32.

Član 61. stav (1) umjesto tačke na kraju upisati zarez i dodati tekst "a izuzetno i duže."

Stav (2) briše se tekst "osim ako je Poslovníkom Vijeća određeno da o nekom pitanju Vijeće odlučuje bez pretresa" .

Član 33.

U članu 62. stav (2) iza teksta "konstatuje da se o" dodaje se tekst "predloženim zaključcima po".

Stav (3) mijenja se i glasi: "Nakon što predsjedavajući Vijeća zaključí raspravu nije moguće diskutovati o navedenoj tački dnevnog reda."

Stav (5) mijenja se i glasi: "Nakon kandidovanja prijedloga zaključaka od strane predsjedavajućeg, isti može dati prijedloge zaključaka na raspravu, sa isključivim ciljem da se dođe do što tačnije i preciznije formulacije."

Član 34.

U članu 66. stav (1) iza riječi "vrši" dodaje se tekst "video i".

U stavu (2) tekst "a naročito" zamjenjuje se sa "i to:".

Član 35.

U članu 67. stav (2) tekst "se na sjednici" zamjenjuje sa "Vijeće", ostatak teksta ostaje isti.

Stav (4) iza riječi "predsjedavajući" brisati zarez i upisati veznik "i", te iza riječi "Vijeća" brisati tekst "i zapisničar" i upisati tačku.

Član 36.

Član 68. mijenja se i glasi: "Audio i video snimci sjednice sadrže potpun tok sjednice i sastavni su dio zapisnika, i čuvaju se u arhivi Općine Tešanj, o čemu se brine sekretar Vijeća.

Član 37.

U članu 69. stav (5) i (6) se brišu.

Član 38.

U člana 96. dodaje se novi stavovi (3) i (4) koji glase:

"Sjednicama Općinskog vijeća i stalnih radnih tijela Vijeća mogu da prisustvuju i građani, odnosno fizička i pravna lica.

Prisustvo sjednicama građani najavljuju nadležnoj službi Vijeća dostavljanjem tipske prijave najmanje dva dana prije održavanja sjednice."

Član 39.

U članu 98. stav (1) iza teksta "Općinsko vijeće" dodaje se tekst "i stalna radna tijela".

Stav (2) na kraju teksta iza riječi "Općine" upisati tačku, a ostatak teksta se briše.

Član 40.

Iza člana 98. dodaje se novi član koji glasi:

"Član 98a.

"Vijeće jedanput godišnje vrši anketu građana u cilju sagledavanja ocjene svoga rada.

Anketu provodi na uzorku od 250 do 300 ispitanika po listi pitanja koju će za svaku godinu posebnom odlukom utvrđivati Općinsko vijeće.

Na osnovu mišljenja građana po provedenoj anketi, građanskom satu i drugim primjedbama građana, Općinsko vijeće će jedanput godišnje raspravljati o iznesenim prijedlozima i primjedbama građana."

Član 41.

U članu 100. stav (1) tekst "15 dana" zamjenjuje se sa "sedam dana".

Član 42.

U članu 102. stav (1) tačka a) iza riječi "teksta na" dodaje se "web stranici Općine,".

Član 43.

U članu 103. broj "10" zamjenjuje se sa brojem "7".

Član 44.

U članu 108. postojeći stav (2) postaje stav (3), a dodaje se tekst novog stava (2) koji glasi: "Inicijativa se podnosi na posebnom obrascu kojeg svojom odlukom određuje Vijeće."

Član 45.

Iza člana 116. dodaje se novi član 116a. koji glasi:

"Član 116a.

Na prijedlog predsjedavajućeg Vijeća, posebnom odlukom Vijeće je dužno odrediti vrijeme od 2-3 sata sedmično za *građanski sat*, kada će predstavnici Općinskog vijeća biti na neposrednoj usluzi građanima u smislu saslušanja njihovih prijedloga i primjedbi koje se odnose na rad organa i institucija lokalne samouprave, kao i podnošenja njihovih inicijativa.

Istom odlukom Vijeće može usvojiti i plan zaduženja vijećnika za konkretne mjesne zajednice sa kojima bi vijećnici ostvarili kontinuiran kontakt u cilju sagledavanja problema i primjedbi građana i prikupljanja njihovih prijedloga i inicijativa.

Istom odlukom Vijeće definira i sadržaj tipskog obrasca o čemu građani žele govoriti. Građani obrazac obavezno popunjavaju i dostavljaju sekretaru Vijeća na dalje postupanje."

Član 46.

U članu 117. stav (2):

tačka a) iza teksta "donesenih" dodaje se "i realizovanih",

tačka b) mijenja se i glasi: "prisustvo vijećnika obukama za funkcionalno usavršavanje"

Iza tačke h) dodaju se nove tačke i) koja glasi: "i) broj građanskih prijedloga, primjedbi i inicijativa."

Član 47.

Ovaj Odluka stupa na snagu narednog dana od dana objavljivanja u "Službenom glasniku Općine Tešanj".

PREDSJEDVAJUĆI OV
Senad Subašić, dipl.ecc.

PRAVNI OSNOV

-Član 14. stav (1) tačka 28. Statuta Općine Tešanj („Službeni glasnik Općine Tešanj“ broj 11/07)

- Član 27. Poslovnika o radu Općinskog vijeća Tešanj (Službeni glasnik Općine Tešanj” broj 7/08, 1/12, 7/12 i 10/14).

RAZLOZI ZA DONOŠENJE

Donošenje ove Odluke proizašlo je iz niza konsultacija, prijedloga, izmjena na osnovu smjernica UNDP-a iznesenih kroz pet održanih edukacijskih radionica na koje su pozivani i vijećnici, kao i potreba koje su neophodne kako bi se rad Općinskog vijeća olakšao i približio građanima. Komisija je svoj rad, pojašnjenja, stavove iskazala u dokumentu pod nazivom Mišljenje broj 01-49-2-2580/17 od 24.10.2017.godine, koje je jednoglasno usvojeno od strane Komisije, a na osnovu čega je izrađen Nacrt Odluke.

Prilog:

- Mišljenje o prijedlogu izmjena i dopuna Poslovnika o radu Općinskog vijeća od 24.10.2017. godine

Zaključkom o prihvatanju nacrt Odluke o izmjenama i dopunama Poslovnika o radu OV (u nastavku teksta Nacrt) koji je donesen na 13. sjednici Općinskog vijeća održanoj 30.11.2017. godine, provedena je javna rasprava koja je trajala do 18.12.2017. godine

Na usmenom dijelu javne rasprave koji je održan 13.12.2017. godine bilo je prisustvo 8 zainteresovanih i većina je diskutovala, uz pojašnjavanje određenih odrebi, ali su prisutni konstatovali da će zvanične prijedloge dostaviti u pisanom obliku.

U periodu provođenja javne rasprave u pismenom obliku dostavljena su prijedlozi od političkih stranaka : SDP, SDA i SBB.

Svi prijedlozi i sugestije su obrađeni, razmatrani na sastancima Statutarne komisije i prikazani u izvještaju sa javne rasprave koji se dostavlja u prilogu.


Ukoliko Vijeće usvoji ovaj prijedlog, Komisija predlaže donošenje zaključaka:

1. Da nakon usvajanje ove odluke konačan prečišćeni tekst sa svim usvojenim izmjenama i dopunama, kao i potrebnim usklađivanjem redoslijeda brojeva članova Poslovnika uradi nadležna komisija Vijeća.
2. Da se sa usvojenim izmjenam Poslovnika u roku 90 dana uskaldi Kodeks i ostali dokumenti na koje se odnose izmjene i dopune Poslovnika.

Na osnovu svega navedenog, predlaže se Općinskom vijeću donošenje ove Odluke.

PREDLAGAČ


Statutarna komisija Općinskog vijeća



Esmir Subašić, predsjednik

Broj: 01-49-2-2580-4/17

Datum 21.12.2017.godine



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Statutarna komisija Općinskog vijeća**

Broj: 01-49-2-2580-4/17
Datum: 20.12.2017. godine

OPĆINSKO VIJEĆE

Predmet: Izvještaj o provedenoj javnoj raspravi na nacrt Odluke o izmjenama i dopunama Poslovnika o radu OV.

Na osnovu Zaključka o prihvatanju nacrt Odluke o izmjenama i dopunama Poslovnika o radu OV (u nastavku teksta Nacrt) koji je donesen na 13. sjednici Općinskog vijeća održanoj 30.11.2017. godine, provedena je javna rasprava koja je trajala do 18.12.2017. godine.

Poziv na javnu raspravu upućen je vijećnicima, političkim strankama i svim zainteresovanim licima putem „Radio Tešanj“, „Antena radijo“, „Smart TV“, „ZOS radijo“ i internet stranici Općine.

Na usmenom dijelu javne rasprave koji je održan 13.12.2017. godine bilo je prisustvo 8 zainteresovanih, od kojih je većina diskutovala, uz pojašnjavanje određenih odrebi, ali su prisutni konstatovali da će zvanične prijedloge dostaviti u pisanom obliku (prilog spisak prisutnih)

U periodu provođenja javne rasprave u pismenom obliku dostavljena su prijedlozi od političkih stranaka : SDP, SDA i SBB.

Sve primjedbe i prijedlozi su obrađeni, razmatrani na sastancima Statutarne komisije i prikazani u ovom izvještaju prema vremenu dostavljanja, a kako slijedi

Pregled prijedloga i sugestija Službe za boračko-invalidsku zaštitu i opću upravu Općine Tešanj:

Ova Služba ima saradnju sa svim komisijama OV, te na osnovu dosadašnjeg iskustva i rada predležmo da se umanju broj Komisija Vijeća. U ovom aktu iznosimo konkretne prijedloge gdje bi se izvršilo spajanje deset komisija u četiri nove komisije (moguća racionalizacija sa osam u četiri ili nekom drugom omjeru u zavisnosti od mišljenja OV i Statutarne komisije), odnosno spajanje komisija kako slijedi:

- Statutarno komisija (11) i Zakonodavne komisije (1) u novu **Statutarnu, zakonodavnu i pravnu komisiju,**
- Komisije za predstavke i prijedloge (1), Komisije za primjenu kodeksa ponašanja vijećnika (2) i Mandatsko imunitetske (2) u novu **Komisiju za primjenu kodeksa ponašanja vijećnika, imunitet i predstavke,**
- Komisije za odlikovanja i druga javna priznanja (8) i Komisije za izbor i imenovanja (10) u novu **Komisiju za imenovanja i javna priznanja,**
- Komisije za pitanja mladih (6), Komisije za ravnopravnost polova (9) i Komisije za zaštitu čovjekove sredine (4) u novu **Komisiju za mlade, zaštitu okoline i ravnopravnost.**

*broj u zagradi je broj sastanaka komisija u tri godine rada (period 2014-2016. godina).

Nacrtom Poslovnika je predlagano preciziranje broja članova komisija, u suštini radi se o smanjenju broja sa 7 na 3 člana, a u pojedinim slučajevima na 5 članova, odnosno smanjenje sa 75 članova komisije na 39.

Služba smatra da je moguće izvršiti dodatno definisanje rada komisija, kao i da umjesto 12 komisija Vijeće formira 6 komisija sa ukupno 26 članova u svim komisijama.

Racionalizacija se predlaže, ne samo zbog smanjenja ukupnog broja članova komisija, već i zbog sličnosti i povezanosti poslova koje komisije obavljaju, a dodatni razlog je broj sastanaka pojedinih komisija, jer je analiza rada u periodu od 3 godine pokazala da su pojedine komisije imale 1 ili 2 sastanka (kompletan pregled sastanaka komisija u nastavku).

Racionalizacijom ćemo dobiti članove komisije koji redovnije održavaju sastanke, kontakte i prate rad Općinskog vijeća i komisije koje će imati konkretne rezultate.

**Pregled održanih sastanaka komisija OV, a prema izvještaju o radu OV
Nije analiziran sam rad, efekti i obim posla već samo broj održanih sastanaka.**

	Broj sastanaka po godinama			
	Ukupno 3 godine	2016	2015	2014
Statutama komisija	11	3	4	4
Komisija za izbor i imeovanje	10	4	5	1
Komisija za budžet	10	3	3	4
Komisija za ravnopravnost polova	9	2	3	4
Komisija za odlikovanja i druga javna priznanja	8	0	5	3
Komisija za pitanja mladih	6	0	1	5
Komisija za zaštitu čovjekove sredine	4	1	3	0
Komisija za monitoring nad realizacijom Strategije razvoja Općine Tešanj	4	4		
Komisija za primjenu Kodeksa ponašanja vijećnika	2	0	0	2
Mandatno imunitetska	2	0	0	2
Zakonodavno-pravna komisija	1	0	1	0
Komisija za predstavke i prijedloge	1	0	0	1

Decembar 2017

* istom bojom su označene komisije koje se spajaju

Prikaz promjena članova Poslovnika o radu OV i opisa rada Komisija:

Član 26. mijenja se i glasi:

“Vijeće osniva komisije kao stalna radna tijela:

1. Statutarna, zakonodavna i pravna komisija,
2. Komisija za primjenu kodeksa ponašanja vijećnika, imunitet i predstavke,
3. Komisija za imenovanja i javna priznanja,
4. Komisija za mlade, zaštitu okoline i ravnopravnost,
5. Komisija za budžet,
6. Komisija za monitoring nad realizacijom Strategije razvoja Općine Tešanj.“

Član 27. mijenja se i glasi:

“Član 27.

Statutarna, zakonodavna i pravna komisija:

- u svom sastavu ima pet članova,

- prati ostvarivanje Statuta Općine i Poslovnika Vijeća,
- priprema tekst prijedloga Statuta odnosno Statutarne odluke i Poslovnika Vijeća,
- stara se o provođenju javne raspave o statutarnim pitanjima i izvještava Vijeće o njenim rezultatima,
- daje mišljenja Vijeću o inicijativama za promjenu Statuta ili drugog općeg akta,
- razmatra prijedloge i nacрте odluka, drugih propisa i općih akata koje donosi Vijeće, u pogledu njihove usklađenosti sa Ustavom i pravnim sistemom,
- učestvuje u pripremanju programa zakonodavne djelatnosti Vijeća,
- utvrđuje prečišćene tekstove akata i drugih propisa Vijeća, ako je za to ovlaštena,
- vrši i druge poslove iz nadležnosti Vijeća.”

Član 28. mijenja se i glasi:

“Član 28.

Komisija za primjenu kodeksa ponašanja vijećnika, imunitet i predstavke:

- u svom sastavu ima pet članova,
- prati ponašanje vijećnika na sjednicama Općinskog vijeća i javnim istupima,
- prati evidenciju prisustva vijećnika sjednicama Vijeća, edukacijama i općinskim manifestacijama,
- zaprima zvanične primjedbe, pritužbe i prijave građana i vijećnika o eventualnom kršenju Kodeksa od strane nekih od vijećnika,
- razmatra slučajeve nepoštivanja Kodeksa od strane vijećnika koje uoči,
- u svim slučajevima narušavanja Kodeksa vodi postupak utvrđivanja odgovornosti vijećnika, a o svom radu pismeno izvještava Vijeće pri čemu Vijeću predlaže i kaznene mjere koje su Kodeksom predviđene,
- razmatra pitanja u vezi s primjenom imuniteta vijećnika u Vijeću, obavještava Vijeće o slučajevima koji povlače prestanak mandata vijećnika, vrši poslove verifikacije novih mandata vijećnika u Vijeću,
- razmatra predstavke i prijedloge građana i pravnih lica upućene Vijeću i o svojim stavovima obavještava podnosioca,
- neposredno radi na predstavkama i prijedlozima koje se odnose na prava i dužnosti za koje je Ustavom, Zakonom i Statutom utvrđeno da se o njima brine Općina putem organa uprave i predlaže nadležnim organima mjere razrješavanja pitanja i problema iznesenim u predstavkama i prijedlozima,
- razmatra predstavke i prijedloge kojima se pokreću pitanja uređenja općinskih propisa, kojima se ukazuje na pojave koje nastaju u primjeni Zakona i drugih propisa ili nepravilno izvršavanje tih aktata i o tome obavještava Vijeće, predlažući mu preduzimanje određenih mjera,
- razmatra predstavke prijedloge kojima se pokreće pitanje odgovornosti funkcionera koje bira i imenuje Vijeće i dostavlja ih nadležnim tijelima u Vijeću zajedno sa svojim mišljenjem o tome,
- dostavlja nadležnim tijelima Vijeća predstavke i prijedloge kojima se pokreće inicijativa za donošenje, izmjenu ili dopunu općinskih propisa,
- vrši i druge poslove određene Statutom ili drugim općim aktom.“

Član 29. mijenja se i glasi:

„Član 29.

Komisija za imenovanja i javna priznanja:

- u svom sastavu ima pet članova,
- prati provođenje zakonskih odredaba, pretresa sva pitanja u vezi sa izborom, imenovanjem i razrješanjem, kao i druga pitanja u vezi sa tim iz nadležnosti Vijeća,
- predlaže Vijeću izbor i razrješnje funkcionera i ostalih službenika koje Vijeće bira ili imenuje,
- razmatra primljene prijedloge za odlikovanja i daje svoja mišljenja na te prijedloge,
- predlaže Vijeću ustanovljavanje općinskog priznanja,
- utvrđuje prijedlog za dodjelu općinskih priznanja koja vrši Vijeće,
- vrši i druge poslove koje odredi Vijeće.“

Član 30. mijenja se i glasi:

„Član 30.

Komisija za mlade, zaštitu okoline i ravnopravnost:

- u svom sastavu ima pet članova,
- prati stanje i pojave u životu i radu mladih i predlaže Vijeću programe i mjere za rješavanje uočenih problema, posebno u suzbijanju narkomanije, alkoholizma i drugih toksikomanija,
- predlaže programe kreativnog angažovanja mladih u oblasti kulture, edukacije, sportskih aktivnosti,
- ostvaruje saradnju sa nevladinim organizacijama koja se bave pitanjima mladih,
- ostvaruje saradnju sa organizacijama i institucijama koje se bave pitanjima mladih na profesionalnoj osnovi,
- prati i razmatra pitanja, probleme i pojave u vezi sa obezbjeđenjem uslova za očuvanje i razvoj prirodnih i stvarnih vrijednosti,
- radi na sprečavanju i otklanjanju štetnih posljedica koje zagađju vazduh, tlo, vode, vodotoke i drugih načina ugrožavanja ovih vrijednosti
- predlaže mjere akcije i planska dokumenta u cilju ostvarivanja blagovremene zaštite i unapređenja prirode i čovjekove okoline,
- prati zastupljenost žena u strukturi organa vlasti i upravljačkim institucijama gdje je Općina osnivač, te predlaže preduzimanje određenih aktivnosti,
- prati stanje ostvarenja prava žena – majki u smislu zdravstvene i socijalne zaštite i predlaže nadležnim organima određena rješenja,
- predlaže mjere i aktivnosti u cilju ostvarivanja i unapređenja ravnopravnosti polova,
- ostvaruje saradnju sa nevladinim organizacijama i institucijama koje se bave zaštitom ravnopravnosti polova,
- vrši i druge poslove određene ovim Poslovníkom i drugim aktom Vijeća.“

Član 36. postaje član 32. a tačan redoslijed ostalih članova u Poslovníku o radu OV Služba će uraditi ukoliko prijedlog Službe bude usvojen.

Komentar Komisije: Generalno Komisija se slaže sa racionalizacijom broja komisija Vijeća, kao i broja članova komisija, ali je konačan stav i prijedlog broja komisija Vijeća utvrđen po analizi dostavljenih svih prijedloga u toku javne rasprave na ovu temu.

Pregled prijedloga i sugestija SDP (izvorni tekst):

1. Prijedlog koji je dostavljen ograničava slobodu vijećnika (**Član 4.**) a predsjedavajućem daje veće ovlasti, sa jedne strane ograničava vrijeme vijećnika na diskusiju a predsjedavajućem daje za pravo da gostima daje vrijeme po ličnoj procjeni (**Član. 24**). Predlažem da se jasno precizira način kontrole mikrofona od strane predsjedavajućeg u Članu 4. a da se u Članu 24. definišu ista prava za goste kao i za vijećnike.

Komentar Komisije: Prijedlog vezan za član 4. Nacrta se djelimično prihvata, odnosno briše se član 4. Nacrta. O drugom priedlogu (član 24) Komisija se izjasnila u mišljenju broj 01-49-2-2580/17 od 24.11.2017. godine.

2. Povećava se vrijeme za dostavu inicijativa sa 3 na 7 dana (**Član. 28**) dok je obaveza dostave materijala za OV 7 dana prije održavanja? Dakle ako nešto primjetite da nije u redu morate čekati iduću sjednicu, ja ovdje vidim pokušaj da se dodatno otupi djelovanje opozicije. Predlažem da vrijeme za dostavu inicijativa ostane isto.

Komentar Komisije: Obrazloženje prijedloga upućuje da vijećnik neće moći intervenisati na dostavljene materijale, što nije tačno, jer se na materijale djeluje amandmanom, a inicijativa ima

dosta šire i drugačije djelovanje i u suštini nije vezana za materijale i tačke dnevnog reda.
Prijedlog nije prihvaćen.

3. Članom 28. se gotovo onemogućava rasprava o pitanjima koje je pokrenuo neko od vijećnika. Predlažem da se briše dio „ako takav zaključak na prijedlog vijećnika predlagača glasanjem donese vijeće.”

Komentar Komisije: Prijedlog nije prihvatljiv, jer o svakoj aktivnosti, zaključku, odluci, pa i inicijativi odlučuje Općinsko vijeće kao organ.

4. Predlažem da se briše član 29.

Komentar Komisije: Prijedlog nije obrazložen i nije prihvatljiv.

5. Ima i pozitivnih promjena kao što su Član. 32 gdje se nakon zaključivanja rasprave onemogućuje dalje diskutovanje što po meni i do sada nije bilo upitno.
6. Član 54. se mijenja i glasi: Prije usvanjanja dnevnog reda vijećnici mogu postaviti vijećnička pitanja i tražiti odgovore na njih.

Komentar Komisije: Prijedlog se ponavlja, Komisija se o navedenom izjasnila u mišljenju broj 01-49-2-2580/17 od 24.11.2017. godine

7. Član 62. nakon stava 2 dodati stav: Nakon što predsjedavajući Vijeća zaključi raspravu nije moguće diskutovati o navedenoj tački dnevnog reda niti davati dodatna objašnjenja.

Komentar Komisije: Prijedlog je djelimično ugrađen u tekstu Nacrta.

8. Član 66. se mijenja na način da se u stavu dva nakon dnevni red sjednice dodaje „diskusije vijećnika,“ tako da integralno glasi: Zapisnik sadrži osnovne podatke o radu sjednice, a naročito mjesto i vrijeme održavanja sjednice, poimenično prisutni i odsutni vijećnici, dnevni red sjednice, diskusije vijećnika, prijedlozi izneseni na sjednici, doneseni zaključci, vijećnička pitanja i inicijative.

Komentar Komisije: Prijedlog se ponavlja, Komisija se o navedenom izjasnila u mišljenju broj 01-49-2-2580/17 od 24.11.2017. godine

9. Član 117. se mijenja na način da se u stavu 2. pod h) briše tačka i dodaje „uz informaciju o aktivnosti vijećnika poimenično (broj podnesenih pitanja, inicijativa i broj rasprava u kojima je učestvovao).“ Tako da integralno glasi: h) prisustvo vijećnika sjednicama Vijeća uz informaciju o aktivnosti vijećnika pojedinačno (broj podnesenih pitanja, inicijativa i broj rasprava u kojima je učestvovao).

Komentar Komisije: Prijedlog se ponavlja, Komisija se o navedenom izjasnila u mišljenju broj 01-49-2-2580/17 od 24.11.2017. godine.

Pregled primjedbi i sugestija SDA (izvorni tekst):

1. Član 21 – u članu bi trebalo definisati ko donosi kriterije za izbor članova radnih tijela.

Komentar Komisije: Nadležnost za donošenje kriterija je definisano u članu 22.

2. Član 23 – brisati kompletan zadnji stav...predsjednika radnog tijela u slučaju njegove..

Komentar Komisije: Prijedlog nije prihvatljiv u ovom obliku, jer postoji potreba za ovom odredbom u slučajevima gdje komisije broje pet članova, pri čemu je realna situacija da na sjednicu komisije dođe tri člana koji imaju kvorum za odlučivanje.

3. Član 26. – naš prijedlog za spajanje komisija:

1. statutarno i zakonodavno pravna komisija;
2. komisija za predstavke i prijedloge, mandatno imunitetska i komisija za praćenje kodeksa ponašanja;
3. komisija za izbor i imenovanje i komisija za odlikovanje i druga javna priznanja;
4. komisija za pitanja mladih i ravnopravnost polova;
5. komisija za zaštitu čovjekove sredine
6. komisija za budžet;
7. komisija za monitoring nad realizacijom strategije razvoja Općine Tešanj

Naš prijedlog je da komisije od a do e broje 5 članova, a komisije f i g po 3 člana;

U ovom članu još brisati rečenicu koja počinje sa: Vijeće bira članove mandatsko- imunitetske komisije i Komisije za izbor i imenovanje iz reda vijećnika.

U zadnjem pasosu brisati riječ ostale, a upisati riječ članove umjeto toga. Pa bi ovaj pasos glasio:

Za članove komisije Vijeće imenuje lica, građane...

Komentar Komisije: Generalno Komisija se slaže sa racionalizacijom broja komisija, kao i broja članova komisija, ali je konačan stav i prijedlog broja komisija Vijeća utvrđen po analizi dostavljenih svih prijedloga u toku javne rasprave na ovu temu.

4. Članove od 27 do 36 b prilagoditi nazivima novih komisija i opisu djelokruga rada.

Komentar Komisije: Ovo je Komisija već primjenila, kao i u slučaju ostalih članova Poslovnika koje potrebno uskladiti i prilagoditi izmjenama i dopunama, i predložiti će se donošenje prečišćenog teksta Poslovnika.

5. Član 48 – briše se u cjelosti stav „zahtjev za replikom vijećnici iskazuju podizanjem....sa natpisom ispravak krivog navoda.“

Komentar Komisije: Prijedlog se prihvatata.

6. Član 56 – predzanji pasus se mijenja i glasi: Po prispjelom mišljenja o pokrenutoj vijećničkoj inicijativi vijećnik može predložiti raspravu uz obrazloženje.

Komentar Komisije: Prijedlog ne mijenja suštinu i Komisija smatra da je precizniji prijedlog koji je u Nacrtu i sada u Prijedlogu dostavljen Vijeću.

7. Član 58 – briše se u potpunosti postojeći tekst, i novi glasi: Vijećnik koji nije zadovoljan odgovorom može postaviti novo kroz dopunsko pitanje.

Vijećnik koji nije dobio odgovor na pitanje obavještava Vijeće o tome.

(Suštinski ovo je zamisao, a potrebno je preformulisati isto).

Komentar Komisije: Prijedlog ne mijenja suštinu i Komisija smatra da je precizniji prijedlog koji je u Nacrtu i sada u Prijedlogu dostavljen Vijeću.

Član 62 – briše se predzadnji pasus koji počinje sa: Vijeće može ovlastiti predsjedavajućeg....suština ne mijenja.

Komentar Komisije: Prijedlog se prihvata.

Pregled primjedbi i sugestija SBB (izvorni tekst):

1. U članu 2. nacrta odluke stoji: U članu 9. iza riječi "daju svečanu izjavu" dodaje se tekst koji glasi: "i potpisuju izjavu o poštivanju Kodeksa izabranih zvaničnika - vijećnika u Općinskom vijeću Tešanj". Predlažemo da se iza ovog teksta doda i tekst „ *pred Predsjedavajućim i zamjenikom predsjedavajućeg OV*“.

Komentar Komisije: Prvi dio prijedloga je već ranije ugrađen u Nacrt, a drugi dio prijedloga smatramo neopravdanim, jer se obe izjave daju javnosti, a ne Predsjedavajućem ili zamjeniku, jer i oni sami daju svečanu izjavu.

2. U članu 3 nacrta odluke stoji: U člana 15. iza stava (1) dodaju se stav (2) i (3) koji glase: "Vijećnici se educiraju i u toku cijelog mandata po posebnim godišnjim planovima koje donosi Vijeće za svaku godinu. Prisustvo edukacijama obavezno je za sve Vijećnike". Predlažemo: „*Educiraju se vijećnici u prvih 6 mjeseci mandata i to samo oni koji su prvi put izabrani u OV, po posebnim godišnjim planovima koje donosi OV za svaku godinu Preporučuje se prisustvo edukacijama svih članova Vijeća.*“

Komentar Komisije: Prijedlog nije argumentovan, jer edukacija je dio cjeloživotnog usavršavanja, a ipak će Vijeće cijeniti potrebe za svaku godinu. Na potrebe educiranja svih pa i vijećnika direktno je ukazano kroz smjernice UNDP-a.

3. U članu 5 nacrta odluke stoji: U članu 21. stav (1) na kraju teksta iza riječi "obrazuju se stalna i povremena radna tijela" dodaje se zarez i tekst koji glasi: "koja broje tri ili pet lica" U stavu (2) tekst "izvještaje Vijeću" mijenja se i glasi: "i dostavljaju polugodišnje i godišnje izvještaje Vijeću i javnosti". Potrebno je obrazložiti od čega zavisi da li je za neko radno tijelo potrebno tri ili pet lica i ko to određuje?

Komentar Komisije: Ovo je definisano za svaku komisiju posebno u ovom Poslovniku, a u članu 21. je navedeno kao općenita definicija, a u obzir je uzet obim posla i racionalizacija komisija koja je predložena kroz ovu javnu raspravu.

4. U članu 6 nacrta odluke stoji: Iza člana 21. dodaje se novi član, 21a. koji glasi: "Član 21a. Izbor članova stalnih radnih tijela, a u skladu sa donesenim kriterijima, posebnom odlukom utvrđuje Općinsko vijeće, vodeći računa da se angažovanje lica u radna tijela, pored vijećnika, dodijeli stručnim i uglednim građanima, s tim da pri izboru spoljnih članova kod jednako rangiranih kandidata, prednost imaju pripadnici manje zastupljenog pola, pripadnici nevladinog sektora i marginaliziranih grupa (nacionalne manjine, lica sa invaliditetom, povratnici)". Nacrt ovog člana je nedorečen. Kako sve ovo provesti? Koliko građana a koliko vijećnika će činiti radna tijela. Potrebno je sve jasno definisati.

Komentar Komisije: Poslovnik predviđa da će biti donesena posebna Odluka o kriterijima koja će ova i sva druga pitanja biti definisana.

5. U članu 7 nacrta odluke stoji: Član 22. mijenja se i glasi: "Radno tijelo Vijeća ima predsjednika, zamjenika predsjednika i određen broj članova. Predsjednika radnog tijela i njegovog zamjenika

bira svako radno tijelo na svojoj prvoj (osnivačkoj) sjednici koju saziva predsjedavajući Vijeća. O izvršenom izboru odnosno imenovanju predsjednika i članova radnih tijela donosi se rješenje. Ako radno tijelo ne može održati dvije uzastopne sjednice zbog neopravdanog odsustva nekih od članova komisije, Komisija Vijeću predlaže da izvrši zamjenu tih lica." Ko iz Komisije od tri člana predlaže Vijeću Predsjednika i Zamjenika predsjednika komisije?

Komentar Komisije: Komisije ne predlažu Vijeću predsjednika i zamjenika, već to komisije rade na svojim osnivačkim sjednicama i po ukazanoj potrebi, o čemu komisije donose zaključak i o tome izvještavaju Vijeće. Ovo će biti dodatno razrađeno kroz prijedloga Odluke.

6. Članovi 11-20 nacrta odluke : U nacrtu stoji da pojedine komisije imaju 3 a pojedine 5 lica. Predlažemo da sve komisije imaju po 3 člana. Zbog čega bi pojedine komisije bile sastavljene od 3 a pojedine od 5 članova?

Komentar Komisije: Broj članova komisija je određen u skladu sa opisom posla i racionalizacijom gdje je došlo do spajanja 2 ili 3 komisije.

7. Član 24 nacrta odluke: Predlažemo: Potrebno je vremenski ograničiti i izvjestioce o pojedinim tačkama i materijalu koji se razmatra isto kao i vijećnike. Takođe potrebno je omogućiti da se zahtjevi za repliku ili ispravku krivih navoda ističu elektronskim putem kako bi se unaprijed znalo o čemu se radi.

Komentar Komisije: O prvom dijelu prijedloga Komisija se izjasnila u mišljenju broj 01-49-2-2580/17 od 24.11.2017. godine. Drugi dio prijedloga nije prihvatljiv iz razloga što Komisija nema dovoljno informacija o tehničkoj mogućnosti za realizovanje istog.

8. Član 28 nacrta odluke: Da li to znači da se inicijative ne mogu podnijeti na sjednici Vijeća već samo 7 dana ranije ili na sjednici Vijeća u „hitnim“ slučajevima. Potrebno je pojasniti koji su to hitni slučajevi jer će Vijeće doći u situaciju da Predsjedavajući samostalno odlučuje šta je hitno a šta ne. Stepen hitnosti se mora tačno definisati i odrediti ko određuje stepen hitnosti.

Komentar Komisije: Hitnost utvrđuje Vijeće pojedinačno za svaki konkretan slučaj na osnovu predočenih argumenata o hitnosti.

9. Član 31 nacrta odluke: Ne dodavati zarez umjesto tačke. Nije logično da se vijećnik vremenski ograniči na 5 minuta a ostali mogu koliko hoće.

Komentar Komisije: O ovom prijedlogu Komisija se izjasnila u mišljenju broj 01-49-2-2580/17 od 24.11.2017. godine

10. Član 32 nacrta odluke: Nije u redu da predsjedavajući formuliše zaključke. Potrebno je da se samo prenese usvojeni tekst zaključaka.

Komentar Komisije: Komisija dala pojašnjenje u mišljenju broj 01-49-2-2580/17 od 24.11.2017. godine.

11. Član 35 nacrta odluke: Nema potrebe brisati stav jedan u pomenutom članu Poslovnika.

Komentar Komisije: Prijedlog nije jasan.

12. Član 43 nacrta odluke: U nacrtu odluke predviđen je novi član 116 a, koji predviđa uvodjene „gradjanskog sata“. S obzirom da je to dodatno angažovanje Vijećnika potrebno je povećati vijećnički paušal ili uvesti dodatno plaćanje.

Komentar Komisije: Paušal ili nakanda nije predmet Poslovnika o radu Vijeća.


13. Član 44 nacrtu odluke: U šestomjesečnim i godišnjim izvještajima obavezno navesti, između ostalog, i povećanje vijećničkog paušala i plaćanje obuke.

Komentar Komisije: Paušal ili nakanda nije predmet Poslovnika o radu Vijeća.


Komisija je dodanim uvidom, analizom, razgovorima u toku javne rasprave i stvarnim potrebama dodatno uvidjela da je potrebno i izmjenila i dopunila sljedeće:

- Izmjena teksta u član 17. stav (2)
- Članu 56. precizirane su odredbe koje se odnose na vijećnička pitanja i inicijative, jer je bilo određeno da se one mogu podnijeti samo iz nadležnosti Općine Tešanj, a stvarne su potrebe i iskustva da postoji potreba za inicijativu ili pitanje izvan direktne nadležnosti Općine, ali samo izuzetno ukoliko je to u interesu građana ili Općine.
- član 103. usklađen sa izmjenama u članu 100.

Izveštaj sa javne rasprave sačinili:



Predsjednik Statutarne Komisije
Esmir Subašić



Zapisnik vodio Mirnes Dedukić



Općina Tešanj

Datum: 13.12.2017. godine

Tema: Javna rasprava na Poslovník o radu OV

Vodi:

Učesnici:

	Ime i prezime	Kontakt telefon	E-mail	Potpis
1	EMIR SUBASIC	061 782 598	emirsutanic@gmail.com	
2	HASANBASIC SENAD	082 464-299		
3	SOLO FAHIR	061 181 561	Fahir solo kucic na - Lo - 11 Lu	
4	VEBRAN KACER	061 762 651	v.kacer@shnet.ba	
5	Nermin Deljkic	061 372 404	nermin.deljkic@opcina-tesanj.ba	
6	Daniel Pasic	066 734 064	daniel.pasic@opcina-tesanj.ba	
7	Adnan Kucic	061 402 707	kucic.adnan@opcina-tesanj.ba	
8	Mines Dedukic	062 587 747	mines.dedukic@opcina-tesanj.ba	
9				
10				
11				
12				
13				
14				
15				
16				
17				
18				